

3



## 賴政國 先生

閩南語 / 現代詩類 / 教師組

得獎作品 /

淺拖仔

### 【得獎感言】

人生毋驚風湧，佢家已準做是男主角來搬。

感激戰後足濟先進（林宗源、向陽、宋澤萊、路寒袖……）的開拓，佢教育部的拍拚，予咱臺語的文字推廣，漸漸會當看著貓霧仔光。雖然用字猶原無夠濟，頭前的路坎坎坷坷，咱逐家攞愛較拚勢咧，做伙為臺語文字做出貢獻。我上大的向望是咱臺語會當擺脫予人粗魯閣佻的印象，會當親像以早捌讀過蕭麗紅寫的《千江有水千江月》內底描寫的氣氛，是一個好禮、溫暖、充滿人情味的臺灣社會。落尾著愛感謝我的父母、家後、後生、朋友，佢是我靈感的來源。

## 淺拖仔

園佇壁角彼跡害去ê淺拖仔  
頂懸印ê帆船尅仔誠孤單  
伊ê幼秀跂跡  
干焦猶閣咧佇海湧浮浮沉沉  
親像愛人仔的輕聲細說  
出帆了後毋捌蕙頭  
ē記得彼當陣坐佇咧駁岸  
伊指著曝甲一條烏一條白的跂盤面頂  
振動雙跂  
喙顫紅紅  
目矙眨眨矙  
問我是毋是像煙仔魚  
在大海洄來洄去  
激甲我笑哈哈  
彼時當青春樂暢  
毋知通煩惱  
佇這款漚鬱熱的天氣  
我掠準阮是愛甲剝袂離  
煞袂記得  
伊講等熱人過去  
這段戀情就要煞戲

園佇壁角彼跡害去ê淺拖仔  
捌綴伊四界流浪走從  
恁我享受遐爾猛の日頭  
嘛捌綴伊去人映人ê海沙埔沐沐泗  
落尾一改褪赤跂散步  
阮俩人笑甲遐爾仔糖甘蜜甜  
越頭看著沙坪埔的兩行跂跡  
干焦雙叉路口  
煞毋知愛按怎姑情  
現此時  
我目睷金金咧陷眠  
跋落烏暗坑坎  
夢中蜃蝓蟻鬧熱的叫聲  
就按呢慢慢仔無去  
歡歡喜喜想起行過ê這逝路  
向望後日(āu-jit)會當躑過束縛  
河溪沓沓仔peh懸  
牛郎織女勻勻仔拆散  
倚秋霜風吹無歇  
雨霎仔沃管芒  
上適合倚躑窗仔  
數念你